

Plenchi

Bèl a bati

TRINGG TRINGGG bèlèm..... TRINGG TRINGGG bèlèm..... Un felis fin di siman pa bo. Kontentu di tin bo atrobe riba nos Plenchi di Skol. Eksamen di práktika na skolnan di VSBO ta kana satisfaktorio. Efo tambe a kuminsá i otro siman tin e ultimo dianan pa EFO. Mei ta kuminsá ku eksamen na tur skol di tantu VSBO komo HAVO. Pues nos a drenta rekta final. E último kareda, laga nos kor'é sabí. No kore pa loko. Prepará delantá i tuma suficiente sosiegu. Hasi un tiki ehersisio ora bo sinti ku bo ta poko tenso. Djis drai bo kabes den rònt i drai bo man ta yuda pa bo relahá i pa sanger sirkulá. Sirkulashon di sanger ta importante pa un mihó konsentrashon.

Awe nos tin diferente bunita informashon for di nos vèlt di enseñansa. Nos a trese un kompilashon pa bo di diferente aktividat ku Maria Immaculata Lyceum a organisá ultima simannan. Tur dirihí riba alsa komunikashon i uso di idioma papiamentu i hulandes.

Disfrutá di e informashon. Gosa di bo wikent i pa otro siman un siman bendishoná.

Riba roster

MIL trahandó ku vishon pa mehorá idioma den skol.

MIL ta konsiente ku idioma ta importante pa por funshoná i por komuniká ku otro. Pesei nan a hinka hopi tempu i esfuerso e aña aki pa duna un kontibushon na mehorá idioma di komunikashon. Tantu hulandes komo papiamentu. Den Arte di Palabra MIL a destaká tantu na Korsou komo den e kompetensha di e islanan ABC. Nan a demostrá nan amor pa nos idioma materno i demostrá dominio di ekspreshon den nos idioma. Dos alumno di Mil ku a destaká ta Gyandro Marselia i Brooke Shields Goedgedrag. Proud Milianos. (potret: facebook di Arte di Palabra Aruba)



Not'é riba bòrchi

MIL ku taalmap pa FO

Mil a traha un Taalmap ku “school taalwoorden” pa skolnan di fundeshi, pa asina kontibui na material pa skolnan amplia vokabulario di hulandes di alumnonan. Aki nos por mira kon MIL ta krusa e brug i duna un left na e alumnonan di FO pa nan por drenta skol avansá mihó prepará. Bunita trabou di MIL. (potret di facebook di MIL)



Riba rapòrt

MIL ku Taaldorp

Dia 5 di aprel Mil a organisá un Taaldorp pa su muchanan. Riba e dia aki tur mucha a haña un pasport ku tareanan individual. Riba plenchi di skol tabatin tienda, aktividatnan i intrevista, tur na hulandes. Tabata un dia eksitoso. Pabien Mil ku boso iniciativa bunita i balioso. (potret di facebook di Mil)





Den agènda

Dianan liber

Koningsdag 27 april (liber nashonal)

Dia di obrero 1 mei (liber nashonal)

Hemelvaartsvakantie 10 (liber nashonal) i 11 mei

Dia di bandera 2 juli (liber nashonal)

Fakansi grandi 9 juli t/m 14 ougustus.

Mi ta konta

Bela riba e bolo

Tarick tabata masha kontentu ku e ta bai kumpli aña pronto. Falta 2 dia pa e hasi 10 aña.

Su mama tabata masha entusiasma ku e fiesta, i tin simannan largu ta prepará pa e fiesta. Tarick nunca tabata gusta e asunto di kanta bolo i supla bela paso e no ta mira e balor agregá di esaki. El a disidi di bai buska riba internet ta unda e payasada aki a Sali.

El a haña un artikulo ku ta splika ku e origen por ta bin di Alemania, un fiesta ku tabata yama Kinderfes den siglo 18. Tabata un fiesta den kua nan ta duna homenahe na un mucha. Pa hasi esaki nan tabata traha un boka dushi anto riba dje nan tabata pone 2 bela. Unu tabata representá lus di su bida i e otro e añanan ku lo a bai kumpli ainda. E belanan mester a keda sendé henter dia, mester kambia bela si e kaba pa asina e lus keda sendé te anochi. Anochi e mucha mester supla e belanan. Nan tabata kere fielmente ku e huma di e bela ta hiba e bon deseonan te serka Dios. Tabatin kaminda ku nan tabata pone mes tantu bela ku e persona a hasi aña, i un mei mei pa loke ta bai bin.

Tarick a konta su ruman Rosa loke el a haña sa. El a bise kue kos ta parse ku ta pa pidi deseo ta supla bela. E ta hañ e kos masha kèns, pero si e ta komplasé su mama ku e kustumber aki e ta hasie pa su mama.

Rosa a kontestá: “Mami semper ta pidi Dios pa duné un aña mas pa e por supla e bela ku nos tur rondón di dje.”

Tarick a keda boka habri, e mesora el a disidi ku ta masha bunita di su mama pa pidi bida pa kompartí ku otro.

Esei a konvensé Tarick, ku e lo supla bela tur biaha i lo hasi e deseo di mas bunita. E lo pidi bida i salu pa e mes i esnan ku stimé.

Dia di su aña el a hasi e deseo bunita i tabata felis di mira tur hende ku stimé rondón di dje.

Mucha djispou

Patty ta hopi bon den ingles i su yufrou ta pidi'e pa yuda Jaime ku su tarea di ingles. Jaime a kaba di yega Korsou i e ta di habla spaño.

Patty: "E pushi a kai na awa, kon abo lo a bisa esaki na ingles?"

Jaime: "The cat is cataplum in the water, than glu glu and no more miaumiau."

Jaime tin 4 aña pues e meresé un 9. Paso tur hende ta komprondé kiko a pasa ku e pushi.